

瘡瘍

癰疽證治已詳瘍醫準繩其在小兒雖肌體柔脆而天真未鑿鮮五發之毒亦無五善七惡之診初生周晬前後徧體生瘡俗忌療治其他小小癰癩自可敷貼而消若憎寒壯熱沉困躁擾爲心腹之害又當求其本而治之乳下嬰兒母子俱服是在醫師神而明之無按圖索驥之理薛氏乃掇大科癰疽證治贅附保嬰近於駢拇枝指矣若夫源流窮源明經絡分表裏審順逆則無大小之異有專科書在又何贅焉今

第以小兒所專者集爲是編以至危且急殺人頃刻莫如丹毒故首列之且獨加詳焉

鄭夫瘡瘍皆因臟腑不調經絡壅滯而得或由胎毒或是風化爲蟲或則熱氣有盛或是驚入皮膚其大者是滯於血脉而橫出於皮膚之間若節其氣血則易破若或風纏則生癰疹或是外邪所入卽多癩痒而不定其食毒則滯死其血氣久則化爲膿也或作驚瘡者驚本無物亦蹉其血氣在臟而爲積在腑故出皮膚爲瘡發遍身而四肢難較風瘡亦發遍身其形甚小世呼爲疥熱毒瘡發處不定節滯其血故作

瘡蟲窠瘡常發於脛後作其窠窠內有蟲如蟻子蓋因腹中蟻蟲隨氣而化其瘡卽較而再發或片子如癬相似甚有死血痒若以藥傅較只是歸腹中須是取却蟲方瘥及與殺蟲藥

曾內經曰諸痛痒瘡瘍皆屬心火火鬱內發致有斯疾蓋心主乎血血熱生風熱鬱內甚透相傳襲故火能生土血注陽明主肌肉風熱與血熱相搏發見皮膏其名不一有黃膿而白者土生金母歸子也始生微痒而熱輕腫痛潰爛爲熱極血凝化水氣滯成膿甚至寒熱作而飲食減尤爲可慮宜宣泄風毒涼心

經解胃熱用當歸散加黃連升麻乾葛水薑葱燈心煎服及三解散牛蒡湯木通散雖服塗以四黃散一

抹金

當歸散 潮熱

三解散 驚

牛蒡湯 咽喉

木通散 淋

四黃散 治小兒身上一切熱毒瘡疾燥痒抓破有

汁不乾

淨黃連

黃檗

黃芩

大黃

滑石 伍味各半兩

五倍子 去虫屑貳錢半

右剉曬為末用清油和調二錢至三錢塗搽患處

仍服四順散消毒飲

一 抹金治小兒遍身生瘡潰爛如糜梨燥痛膿汁不

乾

藜蘆 淨洗焙

蛇床子 去埃土

紅丹 水飛過參

硫黃

赤石脂

明白礬 水飛過

五倍子 去虫屑

黃檗 去麤皮五錢半 輕粉 伍拾貼

右前八味或曬或焙為末仍同輕粉在乳鉢再杵
勻用生肥猪膏碎切以瓦鉢和藥末爛杵塗抹患
處或清油調搽亦可

湯 小兒血氣凝滯而有熱毒之氣乘之故結聚成癰

癩腫毒也未結之先微見有紅頭癩子隱起作疼者

急用不語唾夜半頻頻塗之飲酒了即消散若已結

成當用天烏散貼方若內顯躁熱不寧等證即須內

服漏蘆散真良方也熱甚者用青解毒丸四順清涼

飲加防風連翹元參劑亦可服五福化毒丹尤良連

翹湯可服青露散掩之留小孔後用驚毒掩子收瘡

口熱甚者涼膈散亦可服方類列

胎毒瘡瘍薛寶鑑云初生芽兒一塊血也無形證也

無脉有驚即係是胎驚有熱即係是胎熱嬰兒實與

乳母一體凡患瘡疾但審乳母肝經有熱用加味小

柴胡湯之類肝經虛熱用加味逍遙散之類腎水不能生肝用地黃丸心經積熱用柴胡梔子散心經虛熱用茯苓補心湯膏粱積熱用東垣清胃散脾經鬱熱用錢氏瀉黃散脾經虛熱用錢氏異功散若服犀角丸化毒丹外敷寒涼之藥復傷生氣乃促其危也熱毒瘡瘍因食膏粱厚味或乳母七情鬱火所致若腫骨作痛氣血凝滯也用仙方活命飲口渴便秘熱毒內蘊也用四順清涼飲佐以如聖餅腫硬色赤熱毒凝聚也用活命飲佐以隔蒜灸腫焮不消欲作膿也用托裏消毒散不成膿或成膿不潰氣血虛也用

八珍湯潰而肉赤不斂脾血虛也用四物參朮肉白而不斂脾氣弱也用四君芎歸食少體倦而不斂脾氣虛也用六君當歸升麻凡藥對證無有不愈設或妄行攻毒元氣虧損則變惡證而難治矣大抵瘡瘍屬腑者易治元氣無虧者不治自愈屬臟者難治元氣虧損者則變爲惡證誤行剋伐元氣虧損尤難療理故切不可用峻厲之劑觀東垣丹溪云但見腫痛叅之脉證虛弱便與滋補血氣無虧可保終吉若用驅逐敗毒不免有虛虛之禍矣

表裏

漏蘆散治小兒癰瘡及丹毒瘡癰

見丹毒

表

當歸散 見潮熱

解表消毒飲 治小兒瘡瘍腫高焮痛便利調和脉

浮而洪有表證者用之

黃芪

上部酒拌炒中部米泔拌炒下部鹽水炒壹錢半

葛根

升麻

赤芍藥

元參

牛蒡子

炒研

麻黃

去根節

甘草

各伍分

連翹 壹錢

更看是何經分野加引經藥 手

少陰加細辛

叁分

足少陰加獨活

柒分 手太陰

加桔梗白芷

各伍分

足太陰加蒼朮

柒分

手厥陰

加柴胡

柒分

足厥陰加柴胡青皮

各伍分

手太陽

加藁本 伍分 足太陽加羌活 柒分 手陽明加白

芷 伍分 足陽明加升麻葛根 各柒分 手足少陽

加柴胡 柒分

水一鍾生薑三片葱白一根煎七分溫服不拘時

攻裏消毒飲 治小兒瘡瘍腫硬痛深大便秘澀脉

沉而實有裏證者用之

瓜萸 連皮子細切參錢 連翹 牛蒡子 炒研

當歸 白芍藥 各壹錢 川大黃 壹錢半

芒硝 伍分 甘草 柒分

右用水一鍾煎至柒分大溫服未利再服

裏

連翹散 治癰癤等

連翹 壹兩

沉香

黃芪 各半兩

白歛

川朴硝

川大黃 炮

甘草 各壹分

右搗為麤散每服一錢水一盞抄入麝香壹厘煎五分去滓放溫食後服

寄生散 治毒腫甚者

桑寄生

獨活

川大黃 各壹兩

犀角屑

朴硝

甘草 各半兩

右搗羅為細末每服一錢水一盞煎五分去滓放

溫服量兒大小加減

元參劑 解諸般熱消瘡癤

生地黃

元參 各壹兩

大黃

末之煉蜜圓桐子大每服一圓燈心竹葉煎湯化
下入沙糖少許亦可加羌活川芎赤芍連翹防風
涼膈散 治小兒臟腑積熱煩躁多渴頭昏唇焦咽
燥舌腫喉閉目赤鼻衄頰頰結硬口舌生瘡痰實
不利涕唾稠粘睡臥不寧譫語狂妄腸胃燥結便
溺赤澀一切風腫並宜服之

川大黃

朴硝

甘草

各壹兩連翹 貳兩

梔子仁

黃芩

薄荷葉

去土各半兩

右剉散每服二錢水一盞入竹葉七箇蜜少許煎

四分食後溫服大小加減

四順清涼飲

發熱

右解表攻裏之藥皆為腫瘍挾有內證者設也

潰瘍勿拘此例

行中
還方

托裏榮衛湯

治瘡瘍外無焮腫內亦便利調和乃

邪客經絡宜用此藥調理

黃芪

炒

紅花

各壹錢

蒼朮

米泔浸炒

柴胡

連翹

羌活

防風

當歸身

酒拌

甘草 炙

黃芩

人參 各壹錢

桂枝 柒分

右用水一鍾酒半鍾煎八分食遠服

秘方托裏散 治一應瘡毒始終常服不致內攻

瓜蒌

大者壹枚杵

當歸

酒拌

黃芪

如前法製

白芍藥

各壹兩半

皂角刺

炒

金銀花

天花粉

熟地黃

各壹兩

右爲粗末每服以三歲兒爲率用藥壹兩以酒一鍾入磁器內厚紙封口再用油紙重封重湯煮之仍覆以蓋煮至藥香取出分服直至瘡愈

仙方活命飲

金銀花 橘皮各參錢 皂角刺炒 穿山甲蛤粉同炒

防風 沒藥 白芷 乳香

當歸各壹錢 貝母 天花粉 甘草節各捌分

右每服五錢酒煎服嬰兒每服一兩母子同服為末酒調服亦可毒在表者加麻黃散之毒在內者加大黃下之當臨時制宜此解毒回生起死妙劑神効解毒散 治一切瘡毒初起腫者即消已潰仍腫者即散已潰毒不解者即愈

金銀花壹兩 甘草節伍錢 黃芪 皂角刺炒

當歸各參錢 乳香 沒藥各貳錢

右爲散每服二錢酒煎溫酒調服亦可嬰兒病乳
 母亦服如瘡已潰腫痛已止者去乳沒金銀花倍
 加黃芪甘草

治發背癰癤方

羌活 壹兩

穿山甲 炒焦半兩

生人骨 煨存性半兩

麝香 少許

右末煎麻黃薄荷酒調如陰瘡頭平向內者服之
 卽突出其功效不可盡述若小兒痘瘡黑陷者只
 一服而起萬不失一

元參丸 治疹痘後餘毒不散遍身生瘡不已大能